



Inatsisartut Allattoqarfiat

Kalaallit Nunaanni Inatsisartut Inatsisartut sulineranni ingerlatanik tamanik siuarsaaviumit Inatsisartut Allattoqarfiannit ataatsimut aqutsivigineqarpoq. Inatsisartut, Inatsisartut siulittaasuut, Inatsisartut ataatsimiititaliaat Inatsisartunullu ilaasortat inatsisartutigortumik sulinermi Inatsisartut Allattoqarfianni sulisunit allaffissornikkut sullinneqarput.

Inatsisartut Allattoqarfiata pisortaqarfianiipput Inatsisartut Allattaanerat Pisortarlu, taakkulu naalakkersuinerup inatsisiliornerullu tungaatigut Siulittaasoqarfirmut sullissisuupput. Inatsisartut Allattaanerat Inatsisartut Allattoqarfianni allaffissornikkut aqutsinermi qullersaalluni akisussaasuvoq ulluinnarnili aqutsineq Inatsisartut Allattoqarfianni pisortamit akisussaaffigineqarpoq. Siulittaasup Allattaata Qullersaqarfiullu Allattaata allatseqarfirmi ingerlatassat suliaaraat.

Nutserisoqarfik

Suliat Inatsisartuni Inatsisartullu Ataatsimiititaliaanni suliarineqartut tamarmik oqaatsit marluk atorlugit pinngitsooratik allassimassusaapput. Taamaammat suliat ingerlanneqartut tamarmik kalaallisuunngortinneqarlutilluunniit danskisuunngortinneqartussaapput. Suliassat taakku ingerlanneqarnissaannut Nutserisoqarfik tallimanik nutserisoqarpoq. Inatsisartuni suliat naqinneqartut tamaasa, soorlu ataatsimiigjaqqusissutit, imaqarniliat, ataatsimiititaliaat isumaliutissiissutaat, nalunaarusiat, angalanernit nalunaarusiat il.il., inatsisilerinerup sulinerullu tungaanit isigalugu pitsaalluinnartumik pitsaassuseqarlutik nutserneqarnissaat nutserisut isumagissassaraat.

Taaneqartut saniatigut ataatsimiititaliaat ataatsimiinneranni, isumasioqatigiilluni ataatsimiinnerni angalanernilu toqqaannartumik oqaluttaasarput. Nutserisuttaaq suliassaasa ilagaat Inatsisartut Oqaatsit pillugit Suliniutaannut suliniutigisassatullu suliakkiissutigineqartunut allanut ingerlatsisuullunilu ataqatigiissaarisuuneq.



Inatsisartut Allattoqarfiat

Postboks 1060
3900 Nuuk
Tlf.: +299 34 50 00
landstinget@gh.gl
www.nanoq.gl

Ataatsimiititaliat allatseqarfiat

Inatsisartut ataatsimiititaliaannik assigiinngitsunik sullissineq ataatsimiititaliani allatsit suliassaraat. Apeqqutit ataatsimiititaliat susasaqarfiinut tunngasut, ataatsimiititaliami sulinermi siunnersuineq ikiunnerlu, ataatsimiititaliat angalanerirut tunngasut tamaasa, ataatsimiinnissanut pilersaarutit ataatsimiititaliallu ataatsimiinnerminni ullormut oqaluuserisassaarutit kiisalu ataatsimiititaliamut ataatsimiititaliamiillu saaffiginnissutit assigisaallu ataatsimiititalianut allatsit isumagisaraat.

Maannakkorpiaq ataatsimiititalianut allatsit qulingiluat atorfeqartineqarput, taakkulu tamarmik Inatsisartuni ataatsimiititaliamik ataatsimik amerlanerusunilluunniit sullitaqarput, tamatumalu saniatigut Inatsisartut Allattoqarfianni suliniutinut peqataasarlutik.

Allaffissornikkut aqutsisoqarfik

Inatsisartut Allattoqarfianni Allaffissornikkut Aqutsisoqarfik Allaffimmi pisortamit aqunneqarpoq immikkoortortaqaqarfinnullu assigiinngitsunik ingerlatalinnut immikkoortiterneqarsimalluni.

Allaffissornikkut Aqutsisoqarfimmi sulisut arfineq-pingasut aalajangersimasumik sulisorineqarput, taakkulu assigiinngitsorpassuarnik suliassaqarput. Nalunaarsuivimmi atortussatut tiguneqartut tamarmik (allakkat taamatullu Inatsisartut atortussaarut tamarmik) nalunaarsorneqarlutillu Toqqorsivimmut inissinneqartarput. Tamatuma saniatigut aningaasaqarnermut immikkoortortaqaqarfimmi naatsorsuuserineq, Inatsisartut Inatsisartullu Allattoqarfianni sulisut akissarsiaannik aqutsineq ingerlanneqarput.

Tassanittaaq Inatsisartunut ilaasortat Allattoqarfimmilu sulisut inissiaannik aqutsineq isumagineqarpoq. Tamatuma saniatigut Inatsisartut ataatsimiinnerannut atatillugu pappialat Inatsisartunut ilaasortanut, Naalakkersuisunut kiisalu avataanit soqutiginnittunut agguassassat tiguneqartarput, amerlasuunngortinneqariarlutillu agguanneqartarlutik.

Aaqjissuussaaneq:

Inatsisartut Allattoqarfianni sulisut 27-iupput, taakkulu immikkoortortaqaqarfinnut ukununga agguataagaapput:

- Pisortaqarfik
- Nutserisoqarfik
- Ataatsimiititaliat allatseqarfiat
- Allaffissornikkut aqutsisoqarfik